

*Zyra e Rregullatorit për Energji
Rr. Hamdi Mramori Nr. 1
Prishtinë10000– Kosovë
Tel: +381 (0) 38 247 615 ext 103
Fax: +381 (0) 38 247 620
e-mail: info@ero-ks.org
www.ero-ks.org*

Zyra e Rregullatorit për Energji

**Rregulla për vënien e çmimeve të Operatorit të Sistemit të Shpërndarjes
(Rregulla për çmimet e OSSH-së)**

D R A F T

2011

Përmbajtja

Kapitulli 1	Kushtet e Përgjithshme	3
Neni 1	Hyrtje	3
Neni 2	Qëllimi dhe fushëveprimi	3
Neni 3	Definicionet dhe përkufizimet	3
Kapitulli 2	Ngarkesat Duos	6
Neni 4	Parimet e Përgjithshme	6
Neni 5	Shqyrtimet Periodike dhe Periudhat Rregullative	6
Neni 6	Përshtatjet e Rregullta	7
Neni 7	Shqyrtimet e Jashtëzakonshme	7
Kapitulli 3	Të Hyrat Maksimale Të Lejuara	8
Neni 8	Parimet Themelore	8
Neni 9	Shpenzimet e Lejuara Operative	9
Neni 10	Zhvlerësimi i Lejuar	9
Neni 11	Kostoja e Kthimit në Kapital	9
Neni 12	Kostot e Lejuara të Humbjeve	9
Neni 13	Bartja e Taksës së Licencës	10
Kapitulli 3	Taksat për Kyçje	11
Neni 14	Parimet e Përgjithshme	11
Neni 15	Procedura për Arovimin e Taksave për Kyçje	11
Shtojca 1	Llogaritja e Të Hyrave Maksimale të Lejuara	12
Shtojca 2	Baza e Aseteve të Rregulluara	15
Shtojca 3	Mesatarja e Ponderuar e Kostos së Kapitalit	17
Shtojca 4	Shërbimet e Përfunduar	19
Shtojca 5	Procesi i Shqyrtimit Periodik	21
Shtojca 6	Procesi i Përshtatjeve të Rregullta	23
Shtojca 7	Procesi i Shqyrtimit të Jashtëzakonshëm	24
Shtojca 8	Ngjarja e Jashtëzakonshme	26
Shtojca 9	Ngjarja e Forcës Madhore	27
Shtojca 10	Provizionet Tranzitore	28

KAPITULLI 1

KUSHTET E PËRGJITHSHME

Neni 1 Hyrje

- 1 Kjo Rregull është miratuar nga Bordi i Zyrës së Rregullatorit për Energji (“Rregullatorit”) në seancën publike të mbajtur më [data], në bazë të autoritetit të dhënë në Nenin 8 të Ligjit për Rregullatorin e Energjisë.

Neni 2 Qëllimi dhe fushëveprimi

- 1 Kjo Rregull cakton:
 - 1.1 Bazën për vlerësimin e të Hyrave Maksimale të Lejuara që Operator i i Sistemit të Shpërndarjes (OSSH) mund të përfitojë në një Vit Relevant, në mënyrë që OSSH të mbulojë kostot e arsyeshme të mirëmbajtjes dhe të operimit të sistemit të shpërndarjes për shërbimin ndaj konsumatorëve në pajtim me Ligjin për Rregullatorin e Energjisë; dhe,
 - 1.2 Procedurën sipas së cilës të Hyrat Maksimale të Lejuara do të Shqyrtohen dhe do të ri-vlerësohen periodikisht.

Neni 3 Definicionet dhe përkufizimet

- 1 Shprehjet e përdorura në këtë Rregull kanë këtë kuptim:
 - 1.1 “Të Hyra të Rregulluara Aktuale” nënkupton të Hyrat e mbuluara nga OSSH përmes ngarkesave për kryerjen e shërbimeve sistemit të shpërndarjes si dhe të gjitha të hyrat e tjera të përcaktuara nga rregullatori e të matura në baza aktuale;
 - 1.2 “Plan i Aprovuar Investiv” e ka kuptimin që i është dhënë në Shtojcën 2;
 - 1.3 “Ditë Pune” quhen të gjitha ditët e punës brenda një jave, të përcaktuara sipas Ligjeve në Kosovë;
 - 1.4 “Taksë për Kycje” nënkupton taksën e aplikuar nga OSSH për kycjen e konsumatorëve në Sistemin e Shpërndarjes;
 - 1.5 “Humbjet në Shpërndarje” nënkuptojnë totalin e energjisë së humbur në Sistemin e Shpërndarjes të operuar nga OSSH dhe përbëhen nga (1) humbjet teknike, të përcaktuara nga vlerësimet inzhinjerike, dhe (2) humbjet komerciale, të cilat përfshijnë energjinë në hyrje të Sistemit të Shpërndarjes por nuk përfshijnë humbjet teknike dhe energjinë e faturuar te konsumatorët;
 - 1.6 “Operatori i Sistemit të Shpërndarjes” ose “OSSH” nënkupton autoritetin juridik që është pronar i Sistemit të Shpërndarjes në Kosovë dhe që është bartës i Licencës për Operator të Sistemit të Shpërndarjes;
 - 1.7 “Shërbimet e Sistemit të Shpërndarjes” nënkupton shërbimet të cilat i Licencuari për OSSH është i autorizuar t’i ofrojë sipas kushteve të Licencës për Operim të Sistemit dhe për Shpërndarje, të dhënë nga Rregullatori, e që kanë të bëjnë me ofrimin e një sistemi të shpërndarjes që është i besueshëm dhe i sigurt për të gjithë personat që dëshirojnë ta përdorin sistemin për shpërndarje të energjisë elektrike por jo për tranzit;

- 1.8 “Sistemi i Shpërndarjes” ka kuptimin që i është dhënë në Ligjin për Energji Elektrike;
- 1.9 “Ngarkesa DUOS” nënkupton ngarkesat e aplikuara nga OSSH për Shfrytëzimin e Sistemit;
- 1.10 “Jetëgjatësia Ekonomike” nënkupton jetëgjatësinë e përdorur për llogaritjen e zhvlerësimit të lejuar nga Baza e Aseteve të Rregulluara;
- 1.11 “EURIBOR” nënkupton Normën e Ofrimit për Depozita të Euros nga Federata Bankare Evropiane për periudhë 3 mujore, që paraqitet në faqen e caktuar të shërbimit të Reuters në ora 11:00 (kohë e matur sipas Kohës Qendrore Evropiane) ose, në rast se Reuters nuk vazhdon ta ofrojë këtë shërbim, cilado agjenci tjetër e pajtuar në mes të OSSH-së dhe Rregullatorit. Për shmangje të dyshimit kjo do të jetë normë vjetore;
- 1.12 “Shërbimet e Përrjashtuara” nënkuptojnë shërbimet e ofruara nga OSSH si pjesë e aktiviteteve të licencuara, kostot e të cilave mbulohen jashtë Të Hyrave Maksimale të Lejuara dhe të cilat përfshijnë, por nuk kufizohen me, kryerjen e kyçeve në Sistemin e Shpërndarjes, transitin apo provizionet për shërbimet nga kërkesat e palëve të treta;
- 1.13 “Përshtatje e Jashtëzakonshme” ka kuptimin që i është dhënë në Shtojcën 7;
- 1.14 “Ngjarje e Jashtëzakonshme” ka kuptimin që i është dhënë në Shtojcën 8;
- 1.15 “Shqyrtim i Jashtëzakonshëm” ka kuptimin që i është dhënë në Nenin 7;
- 1.16 “Forcë Madhore” ka kuptimin që i është dhënë në Shtojcën 9;
- 1.17 “Taksa për Licencë” nënkupton shumën për pagesë sipas Nenit 7 të Pasqyrës së Taksave, që lëshohet nga Rregullatori dhe mund të amandamentohet;
- 1.18 “Caku i Humbjeve” ka kuptimin që i është dhënë në Nenin 12 paragrafin 3;
- 1.19 “Faktori i Ndarjes së Humbjeve” ka kuptimin që i është dhënë në Nenin 12 paragrafin 4;
- 1.20 “Rregullat e Tregut” ka kuptimin [do të definohe me rastin e përcaktimit të Rregullave të Tregut];
- 1.21 “Pragu i Materialitetit” ka kuptimin që i është dhënë në Shtojcën 7;
- 1.22 “Të Hyra Maksimale të Lejuara” ose “MAR” nënkuptojnë të Hyrat maksimale që mund të mbulohen brenda një Viti Relevant nga OSSH përmes Ngarkesave DUOS e të cilat caktohen sipas formulave të Shtojcës 1 të kësaj Rregulle;
- 1.23 “Kërkesa Maksimale e Sistemit të Shpërndarjes” nënkupton kërkesën maksimale të energjisë elektrike brenda një viti (në M³) të matur në pikat hyrëse të Sistemit të Shpërndarjes së OSSH-së;
- 1.24 “E Matur” nënkupton çdo sasi të matur të energjisë elektrike, në pajtim me matësin e instaluar sipas Kodit të Matjes;
- 1.25 “MW” nënkupton megavat;
- 1.26 “MWh” nënkupton megavat-orë;

- 1.27 “Vlera Neto e Tanishme” nënkupton metodën e zhvlerësimit të rrjedhave të ardhshme të parasë;
- 1.28 “Propozim” ka kuptimin që i është dhënë në Shtojcën 5 paragrafin 4;
- 1.29 “Vendim i Përkohshëm” ka kuptimin që i është dhënë në Shtojcën 5 paragrafin 6;
- 1.30 “Furnizuesi Publik i Energjisë Elektrike” ose “PES” nënkupton bartësin e Licencës për Furnizim Publik;
- 1.31 “Shqyrtimi Periodik” nënkupton shqyrtimin e të Hyrave Maksimale të Lejuara të OSSH-së për Periudhën Rregullative vijuese;
- 1.32 “Përshtatje e Rregullt” nënkupton përshtatjen Mekanike të Të Hyrave Maksimale të Lejuara që bëhet rreth fundit të çdo Viti Relevant;
- 1.33 “Njësitë e Rregulluara të Faturuara” nënkuptojnë shumën e energjisë elektrike të faturuar ndaj konsumatorëve Kosovarë në raport me njësitë e furnizuara ndaj tyre nga Sistemi i Shpërndarjes;
- 1.34 “Njësitë e Rregulluara të Shpërndara” nënkuptojnë shumën e energjisë elektrike të shpërndarë përmes Sistemit të Shpërndarjes për konsumatorët Kosovarë brenda një Viti Relevant, të matur në pikat dalëse të Sistemit të Shpërndarjes (ose, në rastet kur nuk ka matës, të vlerësuara sipas praktikave të njohura inxhinierike);
- 1.35 “Rregulatori” nënkupton Zyrën e Rregulatorit për Energji;
- 1.36 “Baza e Aseteve të Rregulluara” ka kuptimin që i është dhënë në Shtojcën 2;
- 1.37 “Periudhë Rregullative” ka kuptimin që i është dhënë në Nenin 5 paragrafin 3;
- 1.38 “Vit Relevant” nënkupton periudhën prej 12 muajsh në mes të Përshtatjeve të Rregullta;
- 1.39 “Deklaratë për Parimet e Ngarkesave të Shpërndarjes” nënkupton deklaratën e lëshuar nga Rregulatori me të cilën duhet të jenë në pajtueshmëri Metodologjitë e OSSH-së për përcaktimin e Ngarkesave DUOS dhe Taksave për Kycje;
- 1.40 “Deklaratë mbi Ndikimin Financiar” ka kuptimin që i është dhënë në Shtojcën 7;
- 1.41 “Periudhë Tranzitore” ka kuptimin që i është dhënë në Shtojcën 10;
- 1.42 “Njësi e shpërndarë” nënkupton një kilovat-orë;
- 1.43 “Shfrytëzim i Sistemit” nënkupton shfrytëzimin e Sistemit të Shpërndarjes për shpërndarje të energjisë elektrike nga pika hyrëse deri në pikat e furnizimit për konsumatorët Kosovarë;
- 1.44 “Mesatare e Ponderuar e Kostos së Kapitalit” ka kuptimin që i është dhënë në Shtojcën 3; dhe
- 1.45 “X-faktori” nënkupton faktorin e përcaktuar në Shqyrtimet Periodike dhe të aplikuar në kostot e lejuara të OSSH-së gjatë Përshtatjeve të Rregullta.
- 2 Termat e tjera të kësaj rregulle do ta kenë kuptimin që u është dhënë në Ligjin për Rregullatorin e Energjisë, Ligjin për Energjinë Elektrike apo në Ligjin për Energjinë.

KAPITULLI 2 NGARKESAT DUOS

Neni 4 Parimet e Përgjithshme

- 1 Ngarkesat vjetore DUOS duhen caktuar ashtu që:
 - 1.1 Brenda çdo Viti Relevant, të hyrat që OSSH parashikon të mbledhë nga Ngarkesat DUOS janë të barabarta me Të Hyrat Maksimale të Lejuara (Kapitulli 3) të aprovuara nga Rregullatori; dhe
 - 1.2 Ngarkesat vjetore DUOS përcaktohen në pajtim me metodologjinë e përpiluar nga OSSH dhe të aprovuar nga Rregullatori. Metodologjia duhet të jetë në pajtim me Deklaratën për Parimet e Ngarkesave të Shpërndarjes”, të lëshuar nga Rregullatori.
- 2 Të Hyrat Maksimale të Lejuara përbëhen nga shuma e:
 - 2.1 Kostove të Lejuara DUOS, duke përfshirë këtu kostot e lejuara operative, zhvlerësimin e lejuar dhe kthimin e lejuar në kapital;
 - 2.2 Kostot e lejuara të humbjeve;
 - 2.3 Taksën për Licencë; dhe
 - 2.4 Kostot e obligimeve për shërbim publik që nuk mbulohen nga ndonjë mekanizëm tjetër.
- 3 Të Hyrat Maksimale të Lejuara do të përcaktohen si vijon:
 - 3.1 Të Hyrat Maksimale të Lejuara do të caktohen në Shqyrtimet Periodike (Neni 5)
 - 3.2 Para përfundimit të çdo Viti Relevant do të aplikohet një Përshtatje e Rregullt (Neni 6) që përfshinë përshtatjet mekanike për të Hyrat Maksimale të Lejuara për ndryshimin në kostot që janë jashtë kontrollit të OSSH-së; dhe
 - 3.3 Shqyrtimet e Jashtëzakonshme (Neni 7), që përfshijnë përshtatjet në të Hyrat Maksimale të Lejuara si rezultat i ndryshimeve materiale të kostove të DUOS të shkaktuara nga një Ngjarje e Jashtëzakonshme, mund të ndodhin sipas nevojës.
- 4 Provizionet Tranzitore të dhëna në Shtojcën 10 do të aplikohen deri më 31 mars 2015.

Neni 5 Shqyrtimet Periodike dhe Periudhat Rregullative

- 1 Të Hyrat Maksimale të Lejuara për OSSH-në për Periudhën Rregullative do të caktohen gjatë Shqyrtimeve Periodike.
- 2 Shqyrtimet Periodike do të mbahen para çdo Periudhe Rregullative.
- 3 Secila Periudhë Rregullative do të jetë 5 vjeçare, përveç:
 - 3.1 Gjatë Periudhës Tranzitore të dhënë në Shtojcën 10; dhe
 - 3.2 Në rast të pajtimit në mes të OSSH-së dhe Rregullatorit, Periudha Rregullative mund të shkurtohet apo zgjatet;

4 Procedura për mbarëvajtjen e Shqyrtimeve Periodike është dhënë në Shtojcën 5.

Neni 6 Përshtatjet e Rregullta

1 Gjatë Përshtatjeve të Rregullta do të llogariten ndryshimet e lejuara të të Hyrave Maksimale të Lejuara.

2 Përshtatjet e Rregullta do të bëhen para çdo Viti Relevant vijues.

3 Ndryshimi i të Hyrave Maksimale të Lejuara gjatë çdo Përshtatjeje të Rregullt do të bazohet në:

3.1 Nën-mbulimin apo mbi-mbulimin e të Hyrave Maksimale të Lejuara gjatë Vitit Relevant të tanishëm, për shkak të diferencave në mes të shpërndarjes së parashikuar të energjisë elektrike dhe shpërndarjes së realizuar të energjisë elektrike;

3.2 Përshtatjet në të Hyrat Maksimale të Lejuara për ndryshimet në kostot e lejuara të humbjeve (Neni 12) dhe koston e parashikuar të Taksave të Licencës (Neni 13); dhe

3.3 Nën-mbulimi apo mbi-mbulimi i kostove të lejuara të humbjeve dhe të Taksave të Licencës që mund të vijnë si pasojë e ndryshimeve të kostove të parashikuara dhe atyre të realizuara por që kufizohen nga mekanizmat e ndarjes të këtyre mbulesave në mes të OSSH-së dhe të shfrytëzuesve të Sistemit të Shpërndarjes;

4 Formulatat për llogaritjen e të Hyrave Maksimale të Lejuara gjatë Përshtatjeve të Rregullta janë dhënë në Shtojcën 1.

5 Procedura për realizimin e Përshtatjeve të Rregullta është dhënë në Shtojcën 6.

Neni 7 Shqyrtimet e Jashtëzakonshme

1 Shqyrtimet e Jashtëzakonshme mund të shkaktohen nga Ngjarjet e Jashtëzakonshme, të definuara sipas Shtojcës 8.

2 Gjatë Shqyrtimeve të Jashtëzakonshme do të llogaritet ndikimi i Ngjarjes së Jashtëzakonshme në të Hyrat Maksimale të Lejuara për pjesën e mbetur të Periudhës Rregullative. Nëse ndikimi është më i lartë se Pragu i Materialitetit, atëherë do të bëhet Përshtatje e Jashtëzakonshme;

3 Llogaritja e ndikimit mbi të Hyrat Maksimale të Lejuara dhe e Përshtatjes së Jashtëzakonshme nuk duhet të marrë parasysh faktorë të cilët nuk janë të ndërlidhur në mënyrë direkte me Ngjarjen e Jashtëzakonshme.

4 Për shmangje të dyshimit, Rregullatori do të marrë parasysh ndikimin e Ngjarjeve të Jashtëzakonshme (që e kalojnë Pragun e Materialitetit) në Shqyrtimet Periodike pasuese.

5 Procedura për mbarëvajtjen e Shqyrtimeve të Jashtëzakonshme është dhënë në Shtojcën 7.

Neni 8**Parimet Themelore**

- 1 Të Hyrat Maksimale të Lejuara dot ë caktohen në atë masë që i mundësojnë OSSH-së të caktojë Ngarkesa DUOS në nivel që mundësojnë mbulimin e të gjitha kostove të arsyeshme për ofrimin e Shërbimeve të Sistemit të Shpërndarjes deri në atë masë ku kostot janë të justifikuara dhe të vlerësuara me kujdes.
- 2 Kostot e arsyeshme të OSSH-së përfshijnë:
 - 2.1 Kostot e Lejuara DUOS, duke përfshirë kostot e arsyeshme operative (Neni 9), kostot e zhvlerësimit (Neni 10) dhe kostot e kthimit në kapital (Neni 11). Gjatë Përshtatjeve të Rregullta, kostot e lejuara DUOS do të përshtaten për të marrë parasysh inflacionin , për të zbritur X-faktorin dhe për të marrë parasysh ndryshimet në Kërkesën Maksimale të Sistemit të Shpërndarjes, Njësitë e Rregulluara të Shpërndara si dhe numrin e konsumatorëve përderisa kostot e lejuara DUOS vlerësohen në këtë mënyrë;
 - 2.2 Kostot e lejuara të humbjeve (Neni 12) të cilat do të bazohen në Cakun e Humbjeve dhe do të barten gjatë Përshtatjeve të Rregullta bazuar në Faktorin e Ndarjes së Humbjeve;
 - 2.3 Taksa e Licencave (Neni 13), që do të bartet në mënyrë të plotë gjatë Përshtatjeve të Rregullta; dhe
 - 2.4 Kostot e shërbimeve publike që nuk mbulojnë nga ndonjë mekanizëm tjetër.
- 3 Gjatë përcaktimit të kostove të lejuara, Rregullatori do t'u referohet, në mes tjerash edhe:
 - 3.1 Performancës së kaluar;
 - 3.2 Performancës së parashikuar;
 - 3.3 Krahasimeve me ndërmarrje të ngjashme në Kosovë dhe gjetiu në Evropë; dhe
 - 3.4 Krahasimeve me kostot e aktiviteteve të ngjashme në Kosovë dhe gjetiu në Evropë.
- 4 Të Hyrat Maksimale të Lejuara nuk do të mbulojnë kostot e shërbimeve të tjera (duke përfshirë edhe koston e ndërtimit të linjave) të cilat konsiderohen si Shërbime të Përrjashtuara sipas Shtojcës 3 duke përfshirë:
 - 4.1 Shërbime nga të cilat përfiton në mënyrë të veçantë ndonjë palë e tretë që e kërkon shërbimin; dhe
 - 4.2 Rastet kur shërbimi është paguar nga ngarkesa të tjera që nuk përfshijnë ngarkesat për përdorimin e Sistemit të Shpërndarjes.
- 5 Kostoja e kryerjes së Shërbimeve të Përrjashtuara do të mbulohet nga OSSH në pajtim me Shtojcën 4.
- 6 Gjatë Rishikimeve Periodike, Rregullatori mund të përshtatë profilin e të Hyrave Maksimale të Lejuara që priten të mbulojnë në çdo Vit Relevant në mënyrë që të minimizojë ndryshimet e menjëhershme të të Hyrave Maksimale të Lejuara.

- 7 Gjatë tërë kohës, Vlera Neto e Tanishme e të Hyrave Maksimale të Lejuara të parashikuara duhet të jetë e barabartë me Vlerën Neto të Tanishme të kostove të lejuara të parashikuara të OSSH-së që priten të mbuloohen nga Ngarkesat DUOS. Kjo llogaritje e Vlerës Neto të Tanishme do të përdore Mesataren e Ponderuar të Kostos së Kapitalit për OSSH-në, të vlerësuar nga ZRRE-ja, si normë diskontimi.
- 8 Formulatat për llogaritjen e Të Hyrave Maksimale të Lejuara janë dhënë në Shtojcën 1.

Neni 9 Shpenzimet e Lejuara Operative

- 1 Në dorëzimin e vlerësimeve për kostot fikse dhe operative të nevojshme për tu mbuluar përmes Të Hyrave Maksimale të Lejuara gjatë çdo Periudhe Rregullative, OSSH-ja nuk duhet të kërkojë të mbulojë asnjë pjesë apo element të kostove korporative të ndonjë kompanie amë apo ndonjë kompanie degë që nuk mund t'i atribuohet OSSH-së

Neni 10 Zhvlerësimi i Lejuar

- 1 Kostoja e zhvlerësimit do të llogaritet në mënyrë lineare si funksion i Jetëgjatësisë Ekonomike dhe Bazës së Aseteve të Rregulluara për kategori të ndryshme të konsumatorëve, siç përshkruhet në Shtojcën 2.

Neni 11 Kostoja e Kthimit në Kapital

- 1 Kthimi i lejuar mbi koston e kapitalit do të llogaritet si funksion i Mesatares së Ponderuar të Kostos së Kapitalit dhe Bazës së Aseteve të Rregulluara, siç përshkruhet në Shtojcën 2.
- 2 Kthimi në kapital do të llogaritet bazuar në vlerën e Bazës së Aseteve të Rregulluara në mes të çdo Viti Relevant (si mesatare e vlerës fillestare dhe vlerës përfundimtare së Bazës së Aseteve të Rregulluara).
- 3 OSSH nuk do të fitojë kthim të lejuar për asetet e financuara nga grantet kapitale.

Neni 12 Kostot e Lejuara të Humbjeve

- 1 Kostoja e lejuar e humbjeve do të jetë kostoja e parashikuar e humbjeve që do të mbulohet nga PES nga OSSH për të kompenzuar humbjet në Sistemin e Shpërndarjes, dhe do të llogaritet duke përdorur Cakun e Humbjeve që caktohet gjatë Shqyrtimeve Periodike.
- 2 Të Hyrat Maksimale të Lejuara do të përshtaten për ndryshimet në koston e lejuar të humbjeve gjatë Përshtatjeve të Zakonshme sipas formulave të dhëna në Shtojcën 1. Kjo përshtatje do të:
- 2.1 Kthejë nën-mbulimin apo mbi-mbulimin e kostove të lejuara të humbjeve gjatë Vitit Relevant, kudo që këto shkaktohen nga arsye ndryshe prej mos-arritjes së Cakut të Humbjeve;
- 2.2 Ndajë ndryshimin në mes të kostove të lejuar të humbjeve dhe kostove të realizuara të humbjeve gjatë një viti relevant, bazuar në Faktorin e Ndarjes së Humbjeve që caktohet në Shqyrtimet Periodike; dhe
- 2.3 Azhurnojë koston e parashikuar të humbjeve për Vitin Relevant vijues, bazuar në parashikimin e kostove të blerjes së energjisë me shumicë të PES.
- 3 Gjatë përcaktimit të Cakut të Humbjeve, Rregullatori do të marrë parasysh:

- 3.1 Nivelin e realizuar të Humbjeve në Shpërndarje për periudhën më të vonshme prej 12 muajsh për të cilën ekzistojnë të dhëna të sakta;
 - 3.2 Uljet e pritshme të humbjeve gjatë Periudhës Rregullative që mund të ndodhin si pasojë e Planit të Aprovuar Investiv; dhe
 - 3.3 Nivelin e Humbjeve të Shpërndarjes në Sisteme të Krahasueshme të shpërndarjes gjetiu në Evropë.
- 4 Faktori i Ndarjes së Humbjeve duhet të jetë i mjaftueshëm që të nxisë OSSH-në të reduktojë Humbjet në Shpërndarje.
 - 5 Metodologjia e përdorur për matjen e nivelit të Humbjeve në Shpërndarje mund të ndryshohet në bazë të një pajtimi të përbashkët në mes të Rregullatorit dhe OSSH-së. Në këto raste, Caku i Humbjeve do të përshtatet në mënyrë të duhur për të mos ndryshuar nivelin absolut të reduktimit të humbjeve gjatë Periudhës Rregullative.

Neni 13 Bartja e Taksës së Licencës

- 1 OSSH do të bartë koston e Taksës së Licencës. Të Hyrat Maksimale të Lejuara do të përshtaten për të reflektuar ndryshimet në Taksën e Licencës në çdo Përshtatje të Rregullt, sipas formulave të dhëna në Shtojcën 1.

KAPITULLI 3 TAKSAT PËR KYÇJE

Neni 14 Parimet e Përgjithshme

- 1 Taksat për Kyçje do të caktohen herë pas herë në mënyrë që:
 - 1.1 OSSH të mbulojë kostot e kyçjeve që nuk mbulohen nga ngarkesat e tjera; dhe
 - 1.2 Taksat për Kyçje të jenë në pajtim me metodologjinë e përpiluar nga OSSH dhe të aprovuar nga Rregullatori. Metodologjia duhet të jetë në pajtim me Deklaratën për Parimet e Ngarkesave në Distribucion të lëshuar nga Rregullatori.

- 2 Kostot e kyçjes do të përfshijnë:
 - 2.1 Koston e punëve që kanë të bëjnë me instalimin e stabilimenteve elektrike, linjave, matësve si dhe paisjeve të tjera që shfrytëzohen për ndërtimin apo modifikimin e një kyçjeje të ndonjë konsumatori përderisa këto kosto nuk mbulohen nga Ngarkesat DUOS;
 - 2.2 Koston e menjanimit të plantacioneve elektrike, linjave, matësve apo paisjeve të tjera për shkyçjen e ndonjë konsumatori nga Sistemi i Shpërndarjes;
 - 2.3 Normën e arsyeshme të kthimit të kapitalit që përfaqësohet nga këto kosto; dhe
 - 2.4 Koston e mirëmbajtjes së plantacioneve elektrike, linjave, matësve dhe paisjeve të tjera që përndryshe nuk mbulohen nga Ngarkesat DUOS.

- 3 Kufiri në mes të atyre kostove që mbulohen nga Taksat e Kyçjes, kostove që mbulohen nga Ngarkesat DUOS dhe kostove që mbulohen nga ngarkesat e tjera do të definohen në Metodologjinë për përcaktimin e Taksave të Kyçjes.

Neni 15 Procedura për Aprovimin e Taksave për Kyçje

- 1 OSSH do t'i dorëzojë për aprovim Rregullatorit, Metodologjinë për Taksat për Kyçje dhe amandamentimet pasuese së paku [30 Ditë Pune] para hyrjes së tyre në fuqi.
- 2 Asnjë Metodologji apo amandamentim i Metodologjisë nuk do të jetë efektive pa aprovimin e Rregullatorit.
- 3 OSSH ka të drejtë të vlerësojë Taksat për Kyçje sipas kërkesave të Nenit 11.
- 4 Palët të cilat kyçen në Sistemin e Shpërndarjes kanë të drejtë të paraqesin ankesë mbi Taksat për Kyçje pranë rregullatorit, siç përcaktohet në legjislacionin përkatës.

SHTOJCA 1**LLOGARITJA E TË HYRAVE MAKSIMALE TË LEJUARA**

1 Kjo shtojcë paraqet formulat për llogaritjen e Të Hyrave Maksimale të Lejuara për OSSH-në. Kjo shtojcë komplementon parimet e dhëna në pjesën kryesore të Rregullës.

2 Të Hyrat Maksimale të Lejuara (MAR) do të llogariten sipas formulës në vijim:

$$MAR_t = UOSR_t + LSSC_t + LICC_t + KREV_t$$

Ku

MAR_t paraqet Të Hyrat Maksimale të Lejuara

$UOSR_t$ paraqet të Hyrat DUOS në Vitin Relevant t , të cilat caktohen në Shqyrtimet Periodike ashtu që Vlera Neto e Tanishme (përgjatë periudhës Tarifore duke marrë parasysh X -faktorin) pritet të jetë e barabartë me Vlerën Neto të Tanishme të Kostove të Parashikuara DUOS

$LSSC_t$ është kostoja e lejuar e humbjeve në Vitin Relevant t

$LICC_t$ është kostoja e Taksës për Licencë në Vitin Relevant t

$KREV_t$ është faktori korrigjues i të Hyrave në Vitin Relevant t , që parashihet si zero gjatë Shqyrtimeve Periodike

2.1 Të Hyrat e Lejuara DUOS ($UOSR_t$) do të llogariten gjatë Përshtatjeve të Rregullta sipas formulës në vijim:

$$UOSR_t = UOSR_{t-1} * (a_t + b_t * MDS D_t / MDS D_{t-1} + c_t * REUD_t / REUD_{t-1} + d_t * CSTD_t / CSTD_{t-1}) * (1 + CPI_{t-1} - X_t)$$

Ku

$UOSR_t$ janë të Hyrat e Lejuara DUOS për Vitin Relevant t

$UOSR_{t-1}$ janë të Hyrat e Lejuara DUOS në vitin Relevant $t-1$ përveç në vitin Relevant 1 ku do të përdoret një vlerë e përcaktuar nga Rregullatori që bazohet nga Shqyrtimi më i vonshëm Periodik

a_t është pjesa e kostove të lejuara DUOS që nuk varet nga ndryshimii Kërkesës Maksimale në Sistemin e Shpërndarjes, Njësitë e Rregulluara të Shpërndara apo në Numrin e Konsumatorëve në Vitin Relevant t , që caktohet në Shqyrtime Periodike ku $a_t + b_t + c_t + d_t = 1$

b_t është pjesa e kostove të lejuara DUOS që varet nga ndryshimii Kërkesës Maksimale në Sistemin e Shpërndarjes në Vitin Relevant t , ku $a_t + b_t + c_t + d_t = 1$

$MDS D_t$ është vlera e parashikuar e Kërkesës Maksimale në Sistemin e Shpërndarjes për Vitin Relevant t

$MDS D_{t-1}$ është vlera e realizuar e Kërkesës Maksimale në Sistemin e Shpërndarjes për Vitin Relevant $t-1$

c_t	është pjesa e kostove të lejuara DUOS që varet nga ndryshimi i Njësive të Rregulluara të Shpërndara në Vitin Relevant t , ku $a_t + b_t + c_t + d_t = 1$
$REUD_t$	është vlera e parashikuar e Njësive të Rregulluara të Shpërndara në Vitin Relevant t
$REUD_{t-1}$	është vlera e realizuar e Njësive të Rregulluara të Shpërndara në Vitin Relevant $t-1$
d_t	është pjesa e kostove të lejuara DUOS që varet nga ndryshimi i Numrit të Konsumatorëve në Vitin Relevant t , ku $a_t + b_t + c_t + d_t = 1$
$CUST_t$	është vlera e parashikuar e numrit të kyçjes së konsumatorëve në Vitin Relevant t
$CUST_{t-1}$	është vlera e realizuar e numrit të kyçjes së konsumatorëve në Sistemin e Shpërndarjes në Vitin Relevant $t-1$
CPI_{t-1}	është vlera e realizuar e inflacionit në Vitin Relevant $t-1$, matur duke përdorur Indeksin e Harmonizuar të çmimeve të Konsumit (HICPs) – për të gjitha njësitë në Eurozonë, të publikuar nga Eurostat-i
X_t	është X-faktori në Vitin Relevant t , që caktohet gjatë Shqyrtimeve Periodike

2.2 Kostoja e Lejuar e Humbjeve ($LSSC_t$) do të llogaritet gjatë Përshtatjeve të Rregullta sipas formulës:

$$LSSC_t = LSSCf_t + (LSSCa_{t-1} - LSSCf_{t-1}) * (1 + I_t) + (LSSCa_{t-1} - LSAC_{t-1}) * LSSF_t$$

Ku

$LSSC_t$ është kostoja e lejuar e humbjeve për Vitin Relevant t

$LSSCf_t$ është vlera e parashikuar e kostos së humbjeve në Vitin Relevant t , që llogaritet si:

$$LSSCf_t = LT_t * REUE_t * \ddot{E}HEC_t / REUT_t$$

ku

LT_t është caku i humbjeve, e paraqitur si përqindje, në Vitin Relevant t

$REUE_t$ paraqet njësitë e rregulluar të energjisë elektrike që hyjnë në Sistemin e Shpërndarjes në Vitin Relevant t

$WHEC_t$ paraqet koston e blerjes së energjisë me shumicë (shprehur në Euro) të vlerësuar për PES në Vitin Relevant t

$REUT_t$ paraqet njësitë e rregulluara të energjisë elektrike në hyrje të sistemit të transmisionit në Vitin Relevant t

$LSSCa_{t-1}$	<i>paraqet koston e realizuar të humbjeve në Vitin Relevant t-1, të llogaritur duke përdorur Cakun e Humbjeve</i>
$LSSCf_{t-1}$	<i>është kostoja e parashikuar e humbjeve në Vitin Relevant t-1, llogaritur duke përdorur Cakun e Humbjeve</i>
I_t	<i>është norma e interesit për Vitin Relevant t që llogaritet bazuar në EURIBOR plus 1%</i>
$LSSCa_{t-1}$	<i>paraqet koston e realizuar të humbjeve në Vitin Relevant t-1, të llogaritur duke përdorur Cakun e Humbjeve</i>
$LSAC_{t-1}$	<i>paraqet koston e humbjeve të realizuara gjatë blerjes së energjisë nga PES si kompenzim të energjisë së humbur në Rrjetin e Shpërndarjes (nuk llogaritet duke përdorur Cakun e Humbjeve) në Vitin Relevant t-1</i>
$LSSF_t$	<i>është Faktori i Ndarjes së Humbjeve në Vitin Relevant t, që caktohet gjatë Shqyrtimeve Periodike</i>

2.3 Taksa për Licencë ($LICC_t$) do të llogaritet gjatë Përshtatjeve të Rregullta duke përdorur formulën më poshtë:

$$LICC_t = LICCf_t + (LICCa_{t-1} - LICCf_{t-1}) * (1 + I_t)$$

Ku

$LICC_t$ është Taksa e Licencës për Vitin Relevant t

$LICCf_t$ është Taksa e parashikuar Licencës për Vitin Relevant t

$LICCa_{t-1}$ është Taksa e realizuar për Licenca në Vitin Relevant t-1

$LICCf_{t-1}$ është Taksa e parashikuar për Licenca në Vitin Relevant t-1

I_t është norma e interesit për Vitin Relevant t që llogaritet bazuar në EURIBOR plus 1%

2.4 Faktori i përshtatjes së të Hyrave ($KREV_t$) do të llogaritet gjatë Përshtatjeve të Rregullta duke përdorur formulën në vijim:

$$KREV_t = (MAR_{t-1} - ARR_{t-1}) * (1 + I_t)$$

Ku

ARR_{t-1} paraqet të Hyrat Aktuale të Rregulluara në Vitin Relevant t-1

MAR_{t-1} paraqet të Hyrat Maksimale të Lejuara për Vitin Relevant t-1

I_t është norma e interesit për Vitin Relevant t që llogaritet bazuar në EURIBOR plus 1%

SHTOJCA 2

BAZA E ASETEVE TË RREGULLUARA

- 1 Kjo Shtojcë përshkruan vlerësimin e Bazës së Aseteve të Rregulluara për qëllime të llogaritjes së Zhvlerësimit të lejuar (Neni 10) si dhe kthimit të lejuar në kapital (Neni 11).
- 2 Baza e Aseteve të Rregulluara do të jetë vlerë rregullative e shumës së asetëve të përdorura dhe të përdorshme të OSSH-së që janë të nevojshme për kryerjen e Shërbimeve të Sistemit të Shpërndarjes. Baza e Aseteve të Rregulluara do të ndahet kategoritë e ndryshme të asetëve.
- 3 Baza e Aseteve të Rregulluara do të azhurnohet në çdo Shqyrtim Periodik si më poshtë:
 - 3.1 Kostoja e lejuar e zhvlerësimit gjatë Periudhës Rregullative të tanishme do të zbritet nga Baza e Aseteve të Rregulluara dhe do të llogaritet në mënyrë linear duke përdorur Jetëgjatësinë Ekonomike;
 - 3.2 Shitjet e asetëve gjatë Periudhës së tanishme Rregullative do të zbriten nga Baza e Aseteve të Rregulluara bazuar në vlerën rregullative. Ndryshimi në mes të vlerës së shitur dhe vlerës rregullative do të zbritet nga të Hyrat Maksimale të Lejuara për Periudhën e ardhshme Rregullative.
 - 3.3 Shpenzimet e aprovuara kapitale gjatë Periudhës së tanishme Rregullative do t'i shtohen Bazës së Aseteve të Rregulluara nga data kur asetë vihet në shërbim dhe në koston e aprovuar në Planin e Aprovuar të Investimeve. Interesi gjatë ndërtimit do të kapitalizohet. Për shmangje të dyshimit, Rregullatori nuk do të bëjë reduktime retroaktive të të Hyrave në të ardhmen për të marrë parasysh ndryshimin në mes të kostos aktuale dhe koston së aprovuar të investimit. Megjithatë, Rregullatori do të marrë parasysh koston aktuale për Shqyrtimet e më vonshme Periodike si masë për parashikimin e investimeve në të ardhmen;
 - 3.4 Nëse një projekt kapital i aprovuar në Planin e Aprovuar Investiv nuk sillet në shërbim gjatë Periudhës Rregullative në fjalë, kostoja e tij nuk i shtohet Bazës së Aseteve të Rregulluara në Shqyrtimin vijues Periodik dhe të gjitha të Hyrat e përfituara nga asetë do të zbriten në Shqyrtimin e ardhshëm Periodik;
 - 3.5 Kurdo që kostoja e mirëmbajtjes është apo ka qenë më herët e përfshirë në shpenzimet e lejuara operative, nuk do të lejohet të kapitalizohet apo të përfshihet në Bazën e Aseteve të Rregulluara; dhe
 - 3.6 Baza e Aseteve të Rregulluara do të përshtatet për të marrë parasysh inflacionin përgjatë Periudhës së kaluar Rregullative, duke përdorur Indekset e Harmonizuara të çmimeve të konsumit për të gjitha njësitë në Eurozonë, të publikuar nga Eurostat.
- 4 Jetëgjatësia Ekonomike e asetëve për kategori të ndryshme të asetëve do të përdoret për të llogaritur zhvlerësimin në Bazën e Aseteve të Rregulluara. Jetëgjatësia ekonomike do të vlerësohet gjatë Shqyrtimeve Periodike për të reflektuar jetëgjatësinë teknike të asetëve, përveç në rastet ku mund të dëshmohet se jetëgjatësia teknike ndryshon nga jetëgjatësia ekonomike e asetit.
- 5 Investimet kapitale të aprovuara do të vlerësohen gjatë Shqyrtimeve Periodike bazuar në Planin e Aprovuar Investiv për Shqyrtimin Periodik vijues. Plani i Aprovuar Investiv do të:
 - 5.1 Përfshijë projektet kapitale të cilat janë të nevojshme për të ofruar Shërbimet e Sistemit të Shpërndarjes;

- 5.2 Identifikojë çdo projekt kapital të renditur sipas prioritetit;
 - 5.3 Tregojë përfitimin e Konsumatorëve të Rregulluar nga çdo projekt kapital, duke iu referuar, kudo që është e nevojshme, përmbushjen e ndonjë standardi të caktuar për Sistemin e Sigurisë së Distribucionit, Standardet e Sigurisë së Operimit apo Planifikimit, siç kërkohet nga Licenca e OSSH;
 - 5.4 Ketë parasysh planet tjera investive apo zhvillimore të OSSH-së që janë aprovuar nga Rregullatori (dhe çdo ndryshim në mes të këtyre planeve duhet të identifikohet nga OSSH dhe të sqarohet) duke përfshirë këtu Planin Investiv 3 vjeçar të përgatitur nga OSSH në pajtim me Nenin 6 të Licencës dhe të Aprovuar nga ZRRE; dhe
 - 5.5 Zhvillohet duke përdorur teknika të diskontimit të rrjedhës së parasë.
- 6 Plani i Aprovuar Investiv do të implementohet si më poshtë:
- 6.1 OSSH do të përdorë të gjitha metodat e arsyeshme për të siguruar implementimin e Planit të Aprovuar Investiv në kohën dhe sipas orarit të aprovuar;
 - 6.2 Nëse OSSH, për arsye jashtë kontrollit të OSSH-së, dështon në implementimit të investimeve kapitale në pajtim me orarin e dhënë në Planin e Aprovuar Investiv, atëherë OSSH duhet ta njoftojë Rregullatorin. OSSH duhet të japë arsye të detajuara për vonesën së bashku me orarin e ri;
 - 6.3 OSSH mund të aplikojë në çdo kohë te Rregullatori për të zëvendësuar një projekt kapital në Planin e Aprovuar Investiv me ndonjë projekt tjetër kapital në rastet kur mund të dëshmohet se projekti alternativ do të sjellë përfitime të njëjta apo më të mira për konsumatorët se projekti fillestar (duke marrë parasysh rezultatet e pritura dhe kostot). Nëse Rregullatori e aprovon zëvendësimin, projekti alternativ do t'i shtohet Bazës së Aseteve të Rregulluara në Shqyrtimin Periodik të ardhshëm. Për shmangje të dyshimit, të Hyrat Maksimale të Lejuara për periudhën e tanishme nuk do të përshtaten; dhe
 - 6.4 Nëse OSSH e zëvendëson një projekt kapital në Planin e Aprovuar Investiv me një projekt alternativ para se të marrë Aprovimin e Rregullatorit, Rregullatori do të konsiderojë aprovimin e zëvendësimit në Shqyrtimin Periodik vijues por kjo nuk është obligative për Rregullatorin.

SHTOJCA 3

MESATARJA E PONDERUAR E KOSTOS SË KAPITALIT

- 1 Mesatarja e Ponderuar e Kostos së Kapitalit do të llogaritet para taksave sipas formulës:

$$WACC = (1 - gi) * (rEi) / (1 - t) + gi * (rDi)$$

Ku

WACC është Mesatarja e Ponderuar e Kostos së Kapitalit

gi gearing (norma borxh:ekuitet) për firmën *i*

rEi kostoja reale e ekuitetit (shprehur si %) për firmën *i*

rDi kostoja reale e borxhit (shprehur si %) për firmën *i*

t norma e tatimit mbi korporatat në Kosovë

- 2 Gearing (g) do të jetë vlerë e caktuar nga Rregullatori në mes të 0 dhe 1 dhe përfaqëson pjesëmarrjen e borxhit në financimin e përgjithshëm. Vlera do të vlerësohet duke marrë parasysh financimin aktual të OSSH-së, financimin që është i pritshëm për biznese të ngjashme si dhe përbërjen e financimit të kompanive të ngjashme ndërkombëtare.
- 3 Kostoja e Ekuitetit (rEi) do të jetë vlerë e llogaritur nga Rregullatori duke përdorur Modelin për Vënien e Çmimeve të Aseteve Kapitale (CAPM) me formulën në vijim:

$$rEi = rf + \beta i * ERPm$$

rf është norma pa risk

ERPm është premia për riskun në ekuitet që i aplikohet tërë tregut

βi kovarianca në mes të kthimeve të asetit të ekuitetit në fjalë dhe të asetëve të tërë tregut (beta e ekuitetit)

- 3.1 Norma pa risk (rf) paraqet koston e borxhit në Kosovë, në terma reale, dhe do të caktohet nga Rregullatori duke përdorur të dhëna nga kostoja e borxhit në Kosovë ose, në rast të mungesës së kësaj informate, koston e borxhit në shtete të cilat kanë status të njëjtë kreditor me Kosovën.
- 3.2 Premia e riskut mbi ekuitetin (ERPm) përcaktohet nga Rregullatori duke përdorur të dhëna nga premia e riskut ndërkombëtar mbi ekuitetin.
- 3.3 Beta (βi) do të përcaktohet nga Rregullatori duke përdorur të dhëna mbi betat e aplikuara për kompani të krahasueshme ndërkombëtarisht.
- 4 Kostoja e Borxhit (rDi) do të jetë mesatarja e normave të interesit për kreditë ekzistuese afatgjata (që kalojnë 1 vit) për OSSH-në, shprehur në terma reale dhe ponderuar sipas vlerës në Euro të secilës kredi.
- 4.1 OSSH është e obliguar të prokurojë huatë përmes procedurave të konkurrencës ose të demonstrojë pranë Rregullatorit se norma e interesit për huatë e marra pa prokurim

është e barabartë me, ose më e ulët se, normat e interesit në treg në kohën kur është nënshkruar marrëveshja.

- 4.2 Kur Rregullatori konsideron se norma e interesit për një hua të marrë pa prokurim komercial e tejkalon normën e interesit të tregut, atëherë ajo hua do të përjashtohet nga llogaritja e kostos së borxhit.
- 4.3 Kur Rregullatori konsideron se ka numër të pamjaftueshëm të huave për të arritur në një vlerësim të kostos së huamarrjes për OSSH-në, Rregullatori mund të përshtatë koston e Borxhit të llogaritur si më lartë. Kjo përshtatje do të bazohet në:
- (i) Vlerësimin e normës së interesit në treg për hua ndaj bizneseve me madhësi, risk dhe status kreditor të ngjashëm me OSSH-në.
 - (ii) Vlerësimin e normës së parashikuar të interesit për huatë potenciale koncesionare të OSSH-së.
 - (iii) Vlerësimin e përbërjes së parashikuar të huave komerciale (jo koncesionare) dhe koncesionare në borxhin e OSSH-së për Periudhën e ardhshme Rregullative.

SHTOJCA 4

SHËRBIMET E PËRJASHTUARA

- 1 OSSH mund të aplikojë një ngarkesë për kryerjen e Shërbimeve të Përfjashtuara, të cilat mund të jenë, por nuk kufizohen me, provizionet në vijim:
 - 1.1 Kryerjen e punëve kostoja e të cilave do të riimburohet nga një përdorues i sistemit apo ndonjë palë e tretë (duke përfshirë këtu çdo punë përforcuese) për qëllim të kyçje së një përdoruesi në Sistemin e Shpërndarjes (por vetëm deri në atë masë ku shërbimi nuk është marrë parasysht nën ngarkesat e sistemit të përshkruara në këtë Rregull);
 - 1.2 Rivendosja e linjave elektrike apo centraleve elektrike (duke përfshirë këtu edhe punët e ndërlydhura me to) si pasojë e obligimeve statusore që nuk imponohen mbi OSSH-në nga Ligji për Energjinë Elektrike, Ligji për Energjinë apo Ligji për Rregullatorin e Energjisë.
 - 1.3 Lëvizjen e linjave elektrike, stabilimenteve elektrike apo pajisjeve matëse që formojnë pjesë të Sistemit të Shpërndarjes për të akomoduar zgjatjen, ridizajnimin apo zhvillimin e vendit në të cilin ndodhet aseti në fjalë ose në të cilin aseti është i kyçur, kostoja e të cilit do të bartet nga një përdorues i sistemit apo një palë e tretë;
 - 1.4 Kryerjen e punëve të linjave elektrike apo stabilimenteve energjetike nëse kërkohet nga një Përdorues i Sistemit të Shpërndarjes për të ofruar nivel të sigurisë që është më i lartë sesa që kërkohet në paragrafin e 2-të të Nenit 11 të Licencës së OSSH-së (Standardet e Planifikimit dhe të Sigurimit të Sistemit të Shpërndarjes); dhe
 - 1.5 Kryerjen e shërbimeve Matëse që nuk mbulohe nga ngarkesat e tjera në Shërbimet e Përfjashtuara.
- 2 Ngarkesat për këto Shërbime të Përfjashtuara duhen caktuar në atë nivel që i lejojnë OSSH-së të mbulojë:
 - 2.1 Kostot e arsyeshme të kryerjes së shërbimit; dhe
 - 2.2 Normën e arsyeshme të kthimit të kapitalit sipas shpenzimeve të bëra nga OSSH gjatë periudhës para marrjes së pagesës nga personi për të cilën është duke u kryer shërbimi në fjalë.
- 3 Kurdo që është e aplikueshme, këto ngarkesa duhen vlerësuar në pajtim me Metodologjinë e aprovuar të Taksave për Kyçje.
- 4 Në dhënien e ofertës ndaj personit që aplikon për kryerjen e Shërbimit të Përfjashtuar, OSSH duhet të ofrojë detaje për koston sipas kërkesës së Aplikuesit për të vlerësuar nëse Ngrakesa është e arsyeshme.
- 5 Oferta duhet t'i referohet rolit të Rregullatorit siç është dhënë në Ligjin për Rregullatorin e Energjisë.
- 6 Pas përfundimit të çdo Viti Relevant, OSSH-ja do t'i ofrojë Rregullatorit detaje të shërbimeve të ofruara si pjesë e Biznesit të Shpërndarjes të cilat janë trajtuar si Shërbime të Përfjashtuara nga OSSH gjatë Vitit Relevant si dhe të Hyrat e pranuar nga këto shërbime.
- 7 Kur Rregullatori mendon se, në bazë të parimeve të përcaktuara në paragrafet e mësipërme, ndonjë shërbim i trajtuar nga OSSH si shërbim i Përfjashtuar nuk duhet të trajtohet si i tillë,

Rregullatori duhet të ofrojë udhëzime në atë drejtim dhe shërbimi në fjalë nuk do të trajtohet si Shërbim i Përrjashtuar nga data e lëshimit të këtij udhëzimi apo nga ndonjë datë tjetër që mund të specifikohet në udhëzim.

SHTOJCA 5

PROCESI I SHQYRTIMIT PERIODIK

- 1 Me qëllim të ngritjes së transparencës, Rregullatori do të publikojë në ueb-faqen zyrtare të gjitha dokumentet e dorëzuara, komentet dhe dokumentet tjera relevante të pranuar nga OSSH apo palët e tjera të interesit që kanë të bëjnë me Shqyrtimin Periodik brenda [5 ditëve të punës] pas pranimit të informatave të dorëzuara nga OSSH, duke mos përfshirë këtu informatat që Rregullatori i konsideron komercialisht konfidenciale.
- 2 Rregullatori do të iniciojë Shqyrtimin Periodik jo më vonë se [gjashtë muaj] para fillimit të Periudhës së ardhshme Rregullative. Një orar tjetër do të vlejë gjatë Periudhës Tranzitore të dhënë në Shtojcën 10.
- 3 Rregullatori do të iniciojë Shqyrtimin Periodik duke njoftuar OSSH-në lidhur me:
 - 3.1 Vitet për të cilat kërkohen të dhënat për vitin aktual dhe parashikimet për të ardhmen;
 - 3.2 Formatin me anë të të cilit këto të dhëna do të dorëzohen;
 - 3.3 Orarin për dorëzimin e propozimit të OSSH-së për të Hyrat Maksimale të Lejuara për Shqyrtimin e ardhshëm Periodik; dhe
 - 3.4 Orarin për procesin e përgjithshëm të shqyrtimit.
- 4 Propozimi i OSSH-së do të përmbajë informacionin e mëposhtëm dhe do të adresojë çështjet në vijim (pa kufizim):
 - 4.1 Të Hyrat Aktuale të Rregulluara të mbledhura gjatë Periudhës së tanishme Rregullative (duke përdorur një vlerësim të arsyeshëm për muajt e mbetur kur është e nevojshme);
 - 4.2 Koston e realizuar për ofrimin e Shërbimeve të Sistemit të Shpërndarjes gjatë Periudhës së tanishme Rregullative, në linjë me definicionet e kostos që janë përdorur për llogaritjen e Të Hyrave Maksimale të Lejuara;
 - 4.3 Raportin vjetor dhe pasqyrat financiare të audituara për çdo vit fiskal që ka përfunduar në Periudhën e tanishme Rregullative;
 - 4.4 Vlerën e realizuar të Kërkesës Maksimale të Sistemit të Shpërndarjes, Njësive Rregullative të Shpërndara dhe Numrin e Konsumatorëve gjatë Periudhës së tanishme Rregullative;
 - 4.5 Vlerat e parashikuara të Kërkesës Maksimale të Sistemit të Shpërndarjes, Njësive Rregullative të Shpërndara dhe Numrin e Konsumatorëve për Periudhën e ardhshme Rregullative;
 - 4.6 Vlerën e parashikuar të Të Hyrave Maksimale të Lejuara. Duke raportuar ndaras secilin prej komponentëve të kostos së lejuar për Periudhën e ardhshme Rregullative; dhe
 - 4.7 Çdo material tjetër që Rregullatori konsideron se duhet të përfshihet në propozimin e OSSH-së në rastet kur Rregullatori e ka njoftuar paraprakisht dhe me kohë të mjaftueshme OSSH-në për afatin e dorëzimit të propozimit të OSSH-së.

- 5 Gjatë përgatitjes së Propozimit të saj, OSSH do të aplikojë plotësisht Metodologjinë e zbatuar në këtë Rregull. OSSH do të deklarojë të gjitha vendet ku nuk është aplikuar kjo Metodologji, arsyet për mos-aplikimin e metodologjisë, arsyet që përkrahin qasjen alternative dhe vlerësimin e ndikimit të përdorimit të qasjes alternative.
- 6 Pas marrjes së Propozimit të OSSH-së, Rregullatori do të vlerësojë saktësinë, relevancën dhe arsyeshmërinë e saj duke aplikuar metodologjinë e kësaj Rregulle, duke përfshirë këtu vlerësimin se a reflektojnë Të Hyrat Maksimale të Lejuara kostot e arsyeshme për ofrimin e Shërbimeve të Sistemit të Shpërndarjes.
- 7 Rregullatori do të përgatisë një Vendim të Përkohshëm jo më vonë se [50 ditë pune] para fillimit të Periudhës së ardhshme Rregullative, pas konsultimit me OSSH-në. Propozimi i Përkohshëm do të paraqesë propozimet e Rregullatorit për Të Hyrat Maksimale të Lejuara që do të mbulohen nga OSSH gjatë Periudhës Rregullative si dhe justifikimin për këtë propozim. Rregullatori mund të amandamentojë, ndryshojë apo fshijë cilëndo pjesë të Propozimit të OSSH-së sipas vlerësimit të tij në rastet kur Rregullatori ofron justifikim për këto amandamente, zhvendosje apo fshirje.
- 8 Në të njëjtën kohë, pas marrjes së Vendimit të Përkohshëm, Rregullatori do të fillojë procesin e konsultimit publik mbi Vendimin Fillestar në pajtim me Ligjin për Rregullatorin e Energjisë.
- 9 Pas përfundimit të konsultimit publik dhe jo më vonë se [20 Ditë Pune] para fillimit të Periudhës së Ardhshme Rregullative, Rregullatori duhet të marrë Vendimin Final për të Hyrat Maksimale të Lejuara për Periudhën e ardhshme Rregullative. Vendimi i Rregullatorit do të jetë në pajtueshmëri me këtë Rregull. Orar alternativ do të aplikohet gjatë Periudhës Tranzitore të dhënë në Shtojcën 10.
- 10 Të Hyrat Maksimale të Lejuara të dhëna në Vendimin Final të Rregullatorit do të aplikohen nga data e fillimit të Periudhës së ardhshme Rregullative.
- 11 OSSH mund të apelojë vendimin e Rregullatorit në pajtim me legjislacionin e aplikueshëm.

SHTOJCA 6

PROCESI I PËRSHTATJEVE TË RREGULLTA

- 1 OSSH do të dorëzojë te Rregullatori propozimin për Të Hyrat Maksimale të Lejuara për Vitin e ardhshëm Relevant së paku [20 Ditë Pune] para fillimit të Vitit të ardhshëm Relevant. OSSH po ashtu do të përfshijë në këtë dorëzim edhe dokumentet relevante dhe evidencën përfshirë vlerat që kanë të bëjnë me komponentët e formulave të Përshtatjeve të Rregullta të dhëna në Shtojcën 1 si dhe çdo informatë tjetër të kërkuar nga Rregullatori.
- 2 Rregullatori mund të kërkojë nga OSSH që të japë sqarime shtesë për metodën e llogaritjes së propozimit për Të Hyrat Maksimale të Lejuara dhe, në këto raste, OSSH do të ofrojë, brenda një periudhe të shpejtë kohore, të gjitha informatat e kërkuara nga Rregullatori.
- 3 Rregullatori do ta informojë OSSH-në së paku [5 Ditë Pune] para fillimit të Vitit të Ardhshëm Relevant nëse e aprovon llogaritjen e OSSH-së për të Hyrat Maksimale të propozuara.
- 4 Nëse Rregullatori e aprovon propozimin për Të Hyrat Maksimale të Lejuara, atëherë këto do të jenë Të Hyrat Maksimale të Lejuara për Vitin e ardhshëm Relevant.
- 5 Nëse Rregullatori nuk e aprovon propozimin për të Hyrat Maksimale të Lejuara, Rregullatori do të japë arsyetim dhe evidencë për këtë, në pajtim me këtë Rregull. Të Hyrat Maksimale të Lejuara nuk do të ndryshojnë deri sa Rregullatori të aprovojë një propozim alternativ ose të ofrojë llogaritjen për Të Hyrat Maksimale të Lejuara.
- 6 Çdo ndryshim në të Hyra që mund të rezultojë nga llogaritja e gabuar e Të Hyrave të Lejuara raportimi i gabuar i Të Hyrave Rregullative të realizuara apo apelimet lidhur me Përshtatjen e Rregullt do të mbulohen në Vitet Relevante vijuese.
- 7 Nëse Rregullatori nuk reagon ndaj OSSH-së brenda kohës së kërkuar atëherë supozohet automatikisht se propozimi për të Hyrat Maksimale të Lejuara aprovohet dhe këto të Hyra bëhen efektive nga dita e parë e Vitit Relevant vijues.
- 8 OSSH-ja mund të apelojë çdo vendim të Rregullatorit në pajtim me legjislacionin e aplikueshëm.

SHTOJCA 7

PROCESI I SHQYRTIMIT TË JASHTËZAKONSHËM

- 1 Nëse ka ndodhur një Ngjarje e Jashtëzakonshme, OSSH-ja mund të kërkojë Shqyrtim të Jashtëzakonshëm.
- 2 Shqyrtimi i Jashtëzakonshëm nuk mund të fillojë brenda [gjashtë muajsh] të Shqyrtimit Periodik apo para kompletimit të një Shqyrtimi të Jashtëzakonshëm të kaluar.
- 3 Shqyrtimi i jashtëzakonshëm mund të ketë lidhje me më shumë se një Ngjarje të Jashtëzakonshme. Në këto raste kjo Shtojcë adreson ndikimin e përbashkët financiar të këtyre Ngjarjeve.
- 4 Brenda [20 Ditëve të Punës] pas kërkesës së OSSH-së për Shqyrtim të Jashtëzakonshëm, OSSH duhet të dorëzojë Deklaratën për Ndikimin Financiar që do të përfshijë çështjet në vijim:
 - 4.1 Përshkrimin e Ngjarjes së Jashtëzakonshme që ka qenë shkak i kërkesës për Shqyrtim të Jashtëzakonshëm;
 - 4.2 Përshkrimin e ndikimit të Ngjarjes së Jashtëzakonshme në biznesin e OSSH-së;
 - 4.3 Vlerësimin e ndryshimit të kostove të OSSH-së në çdo vit nga data e Ngjarjes së Jashtëzakonshme deri në fundin e Periudhës së tanishme Rregullative;
 - 4.4 Vlerësimin për ndryshimin në të hyrat e parashikuara që rezultojnë nga Ngjarja e Jashtëzakonshme në çdo vit nga data e Ngjarjes së Jashtëzakonshme deri në përfundim të Periudhës së tanishme Rregullative;
 - 4.5 Llogaritjen për ndikimin financiar të Ngjarjes së Jashtëzakonshme në çdo vit, duke llogaritur si shuma e ndryshimeve në koston dhe të Hyrat e OSSH-së. Të Hyrat do të trajtohen si numër pozitiv dhe koston do të trajtohen si numra negativ; dhe
 - 4.6 Llogaritjen nëse apo jo ndikimi financiar pritet të jetë më i lartë se Pragu i Materialitetit, shumëzuar me të Hyrat e OSSH-së (në vitin para Ngjarjes së Jashtëzakonshme), shumëzuar me numrin e viteve në mes të datës së Ngjarjes së Jashtëzakonshme dhe fundit të Periudhës Rregullative. Pragu i Materialitetit duhet të jetë një përqindje fikse që caktohet gjatë Shqyrtimeve Periodike;
- 5 Nëse OSSH vlerëson se ndikimi financiar është më i lartë se Pragu i Materialitetit, OSSH duhet të përfshijë në Deklaratën e Ndikimit Financiar propozimin për Përshtatjen e Jashtëzakonshme në Të Hyrat Maksimale të lejuara. Propozimi për Përshtatjen e Jashtëzakonshme duhet t'u përmbahet kushteve në vijim:
 - 5.1 Përshtatja e jashtëzakonshme duhet të ndryshojë Të Hyrat Maksimale të Lejuara në atë mënyrë që Vlera Neto e Tanishme e ndryshimeve të parashikuara është e barabartë (por jo me shenjë të kundërt) me Vlerën Neto të Tanishme të ndikimit financiar të Ngjarjes së Jashtëzakonshme duke përdorur Mesatarën e Ponderuar të Kostos së Kapitalit si normë të diskontimit;
 - 5.2 Koha dhe struktura e Përshtatjes së Jashtëzakonshme do të shmangë, ku është e mundur, rritjet e menjëhershme të tarifave të konsumatorët (për shembull duke zbutur ndikimin e Përshtatjes së Jashtëzakonshme brenda disa viteve).

- 6 Rregullatori mund të fillojë Shqyrtim të Jashtëzakonshëm pa kërkesën e OSSH-së. Në këto raste, Rregullatori do ta njoftojë OSSH-në dhe do të përfshijë një përshkrim të Ngjarjes së Jashtëzakonshme si dhe një përshkrim të ndikimit të parashikuar. Pastaj, OSSH do të përgatisë Deklaratën për Ndikimin financiar sipas procesit të përshkruar më lartë.
- 7 Rregullatori mund të kërkojë sqarime shtesë për mënyrën e llogaritjes së Deklaratës për Ndikimin Financiar si dhe për Përshtatjen e Jashtëzakonshme dhe, në bazë të kësaj kërkesë, OSSH do t'i dërgojë Rregullatorit, brenda një afati sa më të shkurtër kohor, informatat e kërkuara.
- 8 Brenda [30 ditëve] pas marrjes së Deklaratës për Ndikimin Financiar, Rregullatori do të njoftojë OSSH-në nëse Rregullatori e pranon apo jo propozimin e OSSH-së për Përshtatjen e Jashtëzakonshme. Rregullatori do ta aprovojë propozimin nëse propozimi
 - 8.1 I plotëson kushtet e përshkruara më lartë;
 - 8.2 Është llogaritur në mënyrë të saktë; dhe
 - 8.3 Merr parasysh të gjitha informatat e nevojshme dhe të mundshme gjatë asaj kohe.
- 9 Nëse Rregullatori e aprovon propozimin për Përshtatjen e Jashtëzakonshme, propozimi për të Hyrat Maksimale të Lejuara do të jetë efektiv menjëherë.
- 10 Nëse Rregullatori nuk e aprovon propozimin për Përshtatjen e Jashtëzakonshme, Rregullatori duhet të ofrojë arsyetimin dhe evidencën për këtë, në pajtim me këtë Rregull. Të Hyrat Maksimale të Lejuara nuk do të përshtaten deri sa Rregullatori të aprovojë një propozim.
- 11 Nëse Rregullatori nuk e këshillon OSSH-në brenda afatit të kërkuar (lart), supozohet automatikisht se propozimi për Përshtatjen e Jashtëzakonshme është aprovuar dhe propozimi bëhet efektiv menjëherë.
- 12 OSSH mund të apelojë çdo vendim të Rregullatorit në pajtim me legjislacionin e aplikueshëm.

SHTOJCA 8

NGJARJA E JASHTËZAKONSHME

- 1 Ngjarja e Jashtëzakonshme ndodhë në rastet e mëposhtme:
 - 1.1 Çdo ndryshim mbi 3% në taksat e aplikueshme në Kosovë dhe që nuk mbulohet tërësisht në Përshtatjet e Rregullta;
 - 1.2 Çdo forcë madhore që është definuar në Shtojcën 9;
 - 1.3 Çdo ngjarje tjetër që përmbushë të gjitha kushtet në vijim:
 - (i) Nuk është paraparë në mënyrë të arsyeshme;
 - (ii) Nuk ka qenë nën kontrollin e OSSH-së;
 - (iii) OSSH nuk është e obliguar ta ndalojë atë;
 - (iv) Nuk do të mbulohet në Përshtatjet e Rregullta; dhe
 - (v) Ndryshon në masë të konsiderueshme të Hyrat dhe/ose kostot e OSSH-së për ndonjë periudhë të caktuar 12 mujore, në atë mënyrë që mund të vlerësohet që mund të tejkalohet Pragu i Materialitetit (i sqaruar në Shtojcën 7)
- 2 Ndodhja e Ngjarjes së Jashtëzakonshme është e mjaftueshme për të filluar Shqyrtimin e Jashtëzakonshëm por, siç është sqaruar në Shtojcën 7, Ngjarja duhet të kalojë Pragun e Materialitetit në mënyrë që të përshtaten Të Hyrat Maksimale të Lejuara.

SHTOJCA 9

NGJARJA E FORCËS MADHORE

- 1 Forca Madhore është ngjarje e jashtëzakonshme apo rrethanë që i përmbushë të gjitha kushtet në vijim:
 - 1.1 Është jashtë kontrollit të OSSH-së;
 - 1.2 OSSH nuk ka mundur ta parandalojë atë;
 - 1.3 OSSH nuk ka mundur ta shmangë apo ta tejkalojë; dhe
 - 1.4 Nuk i atribuohet OSSH-së.
- 2 Forca madhore mund të përfshijë, por nuk kufizohet me ngjarjet e veçanta apo rrethanat e paraqitura më poshtë atëherë kur kushtet e lartpërmendura janë përmbushur:
 - 2.1 Luftë, gjendje lufte apo veprime ushtarake (pavarësisht se a është deklaruar luftë apo jo), invazion, akt i armiqve të jashtëm;
 - 2.2 Rrebelim, terrorizëm, sabotim nga persona që nuk janë punonjës të OSSH-së, kontraktorë apo nënkontraktorë, revolucion, kryengritje, uzurpim apo luftë civile;
 - 2.3 Trazirë, rrëmuje, grevë apo lokaut nga persona që nuk janë punonjës, kontraktorë apo nën-kontraktorë të palës;
 - 2.4 Municione të luftës, materiale eksplozive, rrezatim ionizues apo kontaminim me radio-aktivitet, përveç kur këto mund t'i atribuohen përdorimit të palës; dhe
 - 2.5 Katastrofat natyrore si tërmeti, tsunami, tajfuni apo aktivitetet vullkanore.

SHTOJCA 10

PROVIZIONET TRANZITORE

- 1 Periudha Tranzitore do të jetë prej 1 prill 2012 deri më 31 mars 2013.
- 2 Periudha e parë Rregullative do të jetë [1 vjeçare].
- 3 Rregullatori do të definojë vlerën hapëse të Bazës së Aseteve të Rregulluara (për datën 1 prill 2012) para fillimit të Periudhës së Parë Rregullative.
- 4 Gjatë periudhës Tranzitore, OSSH do të dorëzojë Propozimin e saj jo më vonë se [3 muaj] para përfundimit të Periudhës së tanishme Rregullative dhe rregullatori do të marrë Vendimin Final jo më vonë se [10 Ditë Pune] para përfundimit të kësaj Periudhe.